



Broj: T18 0 KT 0015432 21
Brčko, 03.11.2021. godine

U skladu sa odredbom člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

Aleksandar Mrkonjić ... rođen ...1997. godine u Brčkom [...]

Što je:

Dana 20.06.2021. godine oko 01,00 sat, u Brčkom, upravljajući svojim putničkim motornim vozilom marke „VW Pasat“, registarskih oznaka ... i krećući se lokalnim putem iz pravca Brčkog u smjeru Ražljeva, a u kojem su se kao putnici nalazili J. N. na mjestu suvozača, a I. M. i P. J. na zadnjem sjedištu automobila i to brzinom ne manjom od 93,4 Km/h i sa koncentracijom alkohola u krvi od 0,05 g/kg, suprotno odredbi člana 43. Zakona o osnovama bezbjednosti saobraćaja na putevima u Bosni i Hercegovini, olako držeći da zabranjena posledica neće nastupiti, propustio da brzinu svog vozila prilagodi karakteristikama i stanju puta preglednosti usljed nadolazeće krivine i saobraćajnog znaka, a kojim saobraćajnim znakom je dozvoljena brzina kretanja ograničena na 60 km/h, pa je dolaskom i ulaskom u desnu krivinu, i zbog nedovoljne koncentracije vozača na vožnju, prednjim desnim točkom vozila je djelimično zahvatio površinu desne bankine, nakon čega dolazi do destabilizacije kretanja vozila i prelaska istoga na lijevu stranu puta, a da pri tome se vozilo i dalje kreće u pravcu Ražljeva sve više skrećući koso ulijevo blago odmičući se od kolovoza, kada desni točkovi silaze sa kolovoza na bankinu, a lijevi točkovi zahvataju dio kosine kanala koji se nalazi uz bankinu, krećući se tako kanalom, te prednjim lijevom točkom i donjim postrojem udara u bočnu stranu betonsko-zemljanog-kanalskog propusta usljed koga dolazi do obrtanja vozila koje se nastavlja kretati travnatom ravnom dvorišnom površinom u prvcu Ražljevu, pri tome rotirajući se, kada vozilo udara u stub saobraćajnog znaka, te isti lomi i izvaljuje iz zemlje, te nastavlja kretanje i potom udara desnom bočnom stranom u metalni stub PTT ormarića, te ga djelimično izvaljuje iz zemlje, a potom svojom desnom bočnom stranom u predjelou zadnjih desnih vrata udara u armirano-betonski stub električne mreže, prelama ga i izvaljuje iz zemlje te se oko njega rotira u smjeru kazaljke na satu, izvaljuje ga, te se vozilom penje na stub zadnjom lijevom trećinom svoje širine, kada se i zaustavlja, usljed čega je **I. M.** zadobio teške tjelesne povrede u vidu razderno-nagnječne rane prednje strane lijeve potkoljenice, krvnog podliva tkiva poglavine desno čeonoslijepočno-tjemeno, krvne podlivenosti u predjelu oba oka, minornog izliva krvi u meke moždane ovojnice lijevo slijepočno-tjemeno, nagnječenje lica, nagnječenje trbuha, tarumatskog rascjepa slezine sa slijedstvenim izlivom krvi u trbušnu duplju, preloma III-eg desnog rebra u pazušnoj crti, bez pomjeranja ulomaka, nagnječenja desnog pluća, preloma oba acetubuluma karlice-ležište butnih kostiju, bez pomjeranja ulomaka, preloma desne preponske kosti karlice bez pomjeranja ulomaka, preloma donje grane lijeve preponske kosti bez pomjeranja ulomaka, rastave u predjelu simfize karlice, preloma rtastog nastavka V-og slabinskog kralješka, preloma desnog bočnog nastavka II-og slabinskog kralješka, preloma IV-og slabinskog kralješka i brojne oguljotine kože tijela, vozač Aleksandar Mrkonjić i Ječemenica Nikolina zadobili lake tjelesne povrede, dok **P. J.** zadobija oštećenja za po život važnih centara u mozgu i moždanom stablu, od kojih je povreda na licu mjesta preminula,

dakle, kao učesnik u saobraćaju na putevima koji se nije pridržavao saobraćajnih propisa, iz nehata, time tako ugrozio javni saobraćaj da je doveo u opasnost život ljudi pa je zbog toga nastupila smrt jednog lica,

čime je, počinio krivično djelo – Teška krivična djela protiv sigurnosti javnog saobraćaja iz člana 330. stav 4. u vezi sa krivičnim djelom – Ugrožavanje javnog saobraćaja – iz člana 326. stav 3. u vezi sa stavom 1. Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
